




# ხაშურის მთაშენი



№39 (240)

14 ოქტომბერი, ორშაბათი,

2019 წელი

## დღეს სვეტიცხოვლობაა, დღესასწაული - „კვართისა საუფლოისა და სვეტისა ღმრთივბრწყინვალისა და მირონმდინარისა“ გილოცავთ!

მცხეთობა, სვეტიცხოვლობა, კვართის დღესასწაული — ქრისტიანული დღესასწაული საქართველოში. იმართება ქ. მცხეთის საკათედრო ტაძარში, სვეტიცხოველში, 14 ოქტომბერს (ახ. სტ.). დაწესებულია საქართველოს



მართლმადიდებელი ეკლესიის მიერ სადიდებლად „კვართისა საუფლოისა და სვეტისა ღმრთივბრწყინვალისა და მირონმდინარისა“. ამ დღეს, ასევე აღინიშნება მეფე მირიანისა და დედოფალ ნანას, წმინდა სიღონისა და აბიათარის ხსენებაც.

ლეგენდის მიხედვით, იესო ქრისტეს კვართი წილად ხედათ მცხეთელ ებრაელებს, ელიოზსა და ღონგინოზს, რომლებიც ქრისტეს ჯვარცმას ესწრებოდნენ. ელიოზმა სიწმინდე მცხეთაში ჩამოიტანა და თავის დას, მართლმორწმუნე სიღონიას გადასცა, რომელმაც კვართი მკერდზე მიიხუტა და სული განუტევა. ელიოზმა თავისი და კვართითურთ დაკრძალა. საფლავზე ამოსულა მშვენიერი ხე, რომელიც ოთხი საუკუნის შემდეგ მეფე მირიანის ბრძანებით ეკლესიის ასაშენებლად მოუჭრიათ ხუროებს, მისგან დაუმზადებიათ შეიდი სვეტი, მ.შ. ერთი, სახილველად საკვირველი და სასწაულმოქმედი, ვერ აღუმართაეთ. იგი მხოლოდ წმ. ნინოს ლოცვა-ვედრების შემდეგ აღმართულა იმ ადგილზე, სადაც ქრისტეს კვართი იყო დაკრძალული. აქ აშენდა სვეტიცხოვლის ტაძარიც.

ისტორიულად, ამ დღეს იმართებოდა დიდი წირვა და მრავალი მლოცველი მოდიოდა საკლავითა და უსისხლო შესაწირავით. წირვის შემდეგ, მლოცველები ტაძრის გაღვანში შლიდნენ სუფრას და იმართებოდა პურობა. საქართველოს დამოუკიდებლობის აღდგენის (1991 წ.) შემდეგ, მცხეთობის დღესასწაული აღდგა და ოფიციალურ უქმე დღედ გამოცხადდა. ტრადიციულად, ამ დღეს წირვას სრულიად საქართველოს კათოლიკოს-პატრიარქი ალაველენ სვეტიცხოველში, ხოლო შემდეგ იმართება სახალხო სეირნობა მცხეთის ქუჩებში, საესტრადო და ხალხური შემოქმედების კონცერტები, გამოფენები, სპორტული შეჯიბრებები.



## ხაშურის წყადმომარაგება - წყადარინების სისტემის მშენებლობას საფრანგეთის განვითარების სააგენტო (AFD) და გერმანიის რეკონსტრუქციის საკრედიტო ბანკი დააფინანსებენ

საქართველოს ვიცე-პრემიერი, რეგიონული განვითარებისა და ინფრასტრუქტურის მინისტრი მაია ცქიტიშვილი საფრანგეთის განვითარების სააგენტოს (AFD) ევრაზიის, თურქეთის, კავკასიისა და ცენტრალური აზიის რეგიონულ ღირებულებებს სესხილი კუპრეს შეხვდა.

გაცნობითი ხასიათის შეხვედრაზე მხარეებმა თანამშრომლობის პერსპექტივები განიხილეს. პირველი ინფრასტრუქტურული პროექტი, რომელსაც საქართველოში დააფინანსებს, ხაშურის წყალმომარაგება-წყადარინების სისტემების მშენებლობა იქნება.

გერმანიის რეკონსტრუქციის საკრედიტო ბანკთან (KfW) ერთად საქართველოს, ჯამში, 180 მლნ ევროს ღირებულების სესხს გამოყოფს.



## ხაშურში ევროპის მემკვიდრეობის დღეები აღინიშნა

5 ოქტომბერს, ხაშურში, დიმიტრი ყიფიანის სახელობის მთავარ მოედანზე, ევროპის მემკვიდრეობის დღეებისადმი მიძღვნილი საზეიმო



კონცერტი გაიმართა.

ადგილობრივმა შემოქმედებებმა ჯგუფებმა მრავალფეროვანი პროგრამა წარმოადგინეს და მაყურებლის მოწონება დაიმსახურეს.

მიმდებარე ტერიტორიაზე გაიმართა თემატური გამოფენებიც.

ღონისძიებების ორგანიზატორები იყვნენ, მერიის განათლების, კულტურის, სპორტის სამსახური და ა(ა)იპ „კულტურის ცენტრების გაერთიანება“.

ევროპის მემკვიდრეობის დღეები ევროპულ ღირებულებებზე დაფუძნებულ ღონისძიებათა ერთობლიობას წარმოადგენს და მიმართულია ევროპის კულტურული კონვენციის ხელმძღვრელი ქვეყნების კულტურული მემკვიდრეობის, როგორც საერთო ევროპული მემკვიდრეობის შესახებ ცნობიერების ამაღლებისკენ.

### საქართველოს მუნიციპალური განვითარების ფონდისა და მსოფლიო ბანკის წარმომადგენლებმა რეაბილიტირებული საბავშვო ბაღი და „ივერიის“ სტადიონის მშენებლობა დაათვალიერეს

ხაშურის მუნიციპალიტეტის მერმა გიორგი გურასპაშვილმა, მერიის ინფრასტრუქტურის განყოფილების ხელმძღვანელმა გიორგი პაპიაშვილმა და ა(ა)იპ „საბავშვო ბავშვების გაერთიანების“ ხელმძღვანელმა თათია ბროლიძემ, სსიპ საქართველოს მუნიციპალური განვითარების ფონდისა და მსოფლიო ბანკის წარმომადგენლებს ხაშურში მდებარე, უკვე რეაბილიტირებული №7 სააღმზრდელო დაწესებულება დაათვალიერებინეს.

№7 საბავშვო ბაღის რეაბილიტაციის პროექტი, მსოფლიო ბანკის დაფინანსებით, მუნიციპალური განვითარების ფონდის მიერ განხორციელდა და ღირებულებამ 904 000 ლარი შეადგინა.

სააღმზრდელო დაწესებულება 6 ასაკობრივ ჯგუფზეა გათვლილი და 200 აღსაზრდელს ემსახურება. პროექტის ფარგლებში, მოეწყო შენობის მიმდებარე ტერიტორია.

ქალაქის სტუმრებმა, ასევე მონახულეს ცენტრალური „ივერიის“ სტადიონის მშენებლობის სამუშაოებიც.

„ივერიის“ სტადიონის რეაბილიტაციის პროექტი, რომელიც ხაშურის მუნიციპალიტეტის მერიისა და მსოფლიო ბანკის მიერ არის თანადაფინანსებული, მუნიციპალური განვითარების ფონდის მიერ ხორციელდება. პროექტი ითვალისწინებს



სტადიონის სრულ რეაბილიტაციას: მოეწყო ტრიბუნები, დამხმარე ნაგებობები, განათება, ელექტროტაბლო, ღობეები, პარკინგი, გამწვანდება მიმდებარე ტერიტორია. 2100 მაყურებელზე გათვლილი სტადიონის მშენებლობა ხელს შეუწყობს მუნიციპალიტეტში პროფესიული სპორტის განვითარებასა და ჯანსაღი ცხოვრების წესის პოპულარიზაციას.

### გენდერული თანასწორობის საბჭოს მორიგი სხდომა



8 ოქტომბერს, ხაშურის მუნიციპალიტეტის გენდერული თანასწორობის საბჭოს მორიგი სხდომა გაიმართა, რომელსაც უძღვებოდა მუნიციპალიტეტის საკრებულოს თავმჯდომარე მიხეილ ჯანაშვილი.

მუნიციპალიტეტის მერიის ჯანმრთელობის დაცვისა და სოციალური უზრუნველყოფის სამსახურის ხელმძღვანელმა გიორგი ცერცვაძემ სხდომაზე წარმოადგინა ჯანდაცვისა და სოცურუნველყოფის სფეროში განხორციელებული მუნიციპალური პროგრამების გენდერული ანალიზი. აღინიშნა, რომ იმ 1600-ზე მეტი ბენეფიციარიდან, რომელსაც პროგრამის ფარგლებში მიმდინარე წელს დახმარება გაეწია, 60% ქალია.

მუნიციპალიტეტის კულტურულ ცხოვრებაში მოქალაქეთა ჩართულობისა და შემოქმედებითი საქმიანობის უზრუნველყოფისთვის დახარჯული ბიუჯეტის ანალიზი წარმოადგინა მერიის განათლების, კულტურისა და სპორტის სამსახურის წარმომადგენელმა ხათუნა ელისაშვილმა. – მუნიციპალიტეტის შემოქმედებით და კულტურულ ცხოვრებაში ქალთა წვლილი აღსანიშნავი და დაფასებულია, - აღნიშნა მან.

გენდერული საბჭოს წევრთა გადაწყვეტილებით, საბჭოს შემადგენლობაში ცვლილება შევიდა - მას ახალი წევრი, სოფელ ჩორჩანაში მცხოვრებ ლელა კაპანაძე დაემატა. ლელა კაპანაძემ ისაუბრა იმ პრობლემებზე, რაც სოფელ ჩორჩანაში მცხოვრებ ქალებს და ბავშვებს აქვთ. საბჭოზევე დაისახა იმ ხარვეზების გამოსწორების გზები, რაც ჩორჩანაში მცხოვრებ ბავშვებს მუნიციპალიტეტის მიერ ორგანიზებულ კულტურულ ღონისძიებებზე დასწრებას უზრუნველყოფს.

### მუშის გარდაცვალების გამო, შრომის პირობების ინსპექტირების დეპარტამენტმა ჩინეთის რკინიგზის 23-ე ბიუროს სამუშაო პროცესი შეუჩერა და 50 000 ლარით დააჯარიმა

შრომის პირობების ინსპექტირების დეპარტამენტმა „ჩინეთის რკინიგზის 23-ე ბიუროს“ ობიექტზე სამუშაო პროცესი შეაჩერა და კომპანია 50 000 ლარით დააჯარიმა.

ქვიშვითი-ზვარეს დამაკავშირებელი გვირაბის გაყვანითი სამუშაოებისას, რომელსაც აწარმოებს „ჩინეთის რკინიგზის 23-ე ბიუროს“ მუდმივმოქმედი ფილიალი საქართველოში, მოხდა უბედური შემთხვევა, რასაც მოჰყვა ერთი დასაქმებულის - ხაშურში, შუშის ქარხნის დასახლებაში მცხოვრები თამაზ ჩარეკიშვილის გარდაცვალება.

„შრომის პირობების ინსპექტირების დეპარტამენტმა მოახდინა მყისიერი რეაგირება და დაიწყო უბედური შემთხვევის მოკვლევის პროცედურები. მოკვლევის შედეგად, შრომის ინსპექციამ გამოავლინა უსაფრთხოების წესების დარღვევა, კერძოდ, სამუშაოს წარმოებისას გამოიყენებოდა დაზიანებული, ამორტიზებული, ტექნიკურად გაუმართავი მძიმე ტექნიკა, სამშენებლო მოედანზე უსაფრთხოების წესების უგულვებელყოფა, საფრთხეების არასწორი/არასრულყოფილი იდენტიფიცირება და ა.შ.

აღსანიშნავია, რომ შრომის ინსპექციის მიერ, მიმდინარე წელს არაერთჯერ განხორციელდა „ჩინეთის რკინიგზის 23-ე ბიუროს“ მუდმივმოქმედი ფილიალის ობიექტების ინსპექტირება, რის საფუძველზეც კომპანიის მიმართ გამოყენებულ იქნა სხვადასხვა ტიპის ადმინისტრაციული სახდელი, მიუხედავად ამისა, აღნიშნულ კომპანიაში კვლავ გამოწვევად რჩება შრომის უსაფრთხოების სტანდარტების დამკვიდრება.

აქედან გამომდინარე, უბედური შემთხვევის მოკვლევის, ინსპექტირების განხორციელებისა და ანალიზის საფუძველზე, შრომის პირობების ინსპექტირების დეპარტამენტმა მიიღო გადაწყვეტილება, აღნიშნულ ობიექტზე ადმინისტრაციული სახდელის სახით გამოყენებულ იქნას სამუშაო პროცესის შეჩერება და ჯარიმა - 50 000 ლარის ოდენობით.

შრომის ინსპექცია მოუწოდებს ყველა დამსაქმებელს, მოხდეს შრომის უსაფრთხოების კანონით გათვალისწინებული ნორმების დაცვა სამუშაო ადგილებზე, წინააღმდეგ



შემთხვევაში შრომის ინსპექცია გამოიყენებს მის ხელთ არსებულ ყველა მექანიზმს, რათა მოხდეს ადამიანის ფუნდამენტური უფლების - უსაფრთხო სამუშაო გარემოს უზრუნველყოფა, - აღნიშნულია გავრცელებულ ინფორმაციაში.

„ხაშურის მოამბის“ რედაქცია უსამძიმრებს თამაზ ჩარეკიშვილის ოჯახს ამ ტრაგიკული ფაქტის გამო.



# გამოსმაურება წერილზე "ჩვენი მუნიციპალიტეტის ველური ბუნების ბიონედლეუდი - ევროპულ ბაზარზე"

## ყოჩალ, ხაშურელებო!

მსოფლიოს ისტორიაში არსებობდნენ მრავალი ქვეყნები, რომლებიც განადგურდნენ, მაგრამ მიუხედავად მრავალი დამპყრობლების შემოსევებისა, საქართველო გადარჩა. ეს ფენომენი არ არის მხოლოდ მეტროპოლი ქართველების დამსახურება, ქვეყანა გადაარჩინა ველურმა ბუნებამ, (ტყემა), რომელიც იყო ძლიერი ფარი. ის არა მარტო ფარავდა ტყეში გახიზნულ მოსახლეობას, არამედ კვებავდა, ათბობდა და აცმევდა.

ძალიან საწყენია, რომ დღეს არც ტყე გვაქვს და არც ღმერთისგან ბოძებულ მის რსურსებს ვიყენებთ რაციონალურად.

მისასალმებელია ვლადიმერ გოგოლაძის აზრიანი და საქმიანი ინიციატივა. მიუხედავად სიძნელეებისა და არასწორი მიდგომებისა, რომლებიც არსებობს, შპს "იბერია ფრუქტისი", ახლო მომავალში ჩამოყალიბდება მსხვილ კონცერნად, რომლის ეკოლოგიურად სუფთა პროდუქცია, ყოველგვარი კონკურენციის გარეშე გავა მსოფლიოს ბაზარზე.

44 წელი ვიმუშავე მეცნიერ-თანამშრომლად თბილისის სამთო მეტყევეობის ინსტიტუტის ახალდაბის სატყეო საცდელ სადგურში, სადაც გარეული ნაყოფმომცემი მცენარეების, მათი გაგვრცელების არეალის, მოსავლიანობის, მავნებელ დაავადებების შესწავლით ვიყავი დაკავებული. მიუხედავად პრობლემის აქტუალობისა, არც ერთმა მთავრობამ კვლევის შედეგები პრაქტიკაში არ დანერგა, ათასობით ტონა ძვირფასი ეკოლოგიურად სუფთა, ღვთისაგან ბოძებული პროდუქტი რჩება აუთვისებელი, გარდა მცირე ნაწილისა, რომელსაც იყენებს მოსახლეობა.

2011 წელს, რდესაც ბიზნესმენმა კახა ბენდუქიძემ შეიძინა რამ-



დენიმე უნივერსიტეტი, მან გადაწყვიტა შტატების შემცირება და სამეცნიერო საქმიანობის ბიზნესრელსებზე გადაყვანა. იმავე წელს, მისავე დაარსებულ "თავისუფალ უნივერსიტეტში" ჩამოყალიბდა 20-25 კაციანი კომისია, რომელიც შედგებოდა "თავისუფალი უნივერსიტეტისა" და აგრარული უნივერსიტეტის პროფესორ-მასწავ-

ლებლებისაგან. მათ მოიწვიეს სამთო მეტყევეობის ინსტიტუტის მეცნიერები გასაუბრებაზე. მე თითქმის დარწმუნებული ვიყავი, რომ მე, როგორც პენსიონერს, სამსახურიდან დამითხოვდნენ, ამიტომ გადაწყვიტე 15 წუთიან მოხსენებაში "მეყარა გულის ჯავრი", ამიტომ მოხსენება დავიწყე მაშინდელი მთავრობის კრიტიკით.



იმ დროს სოფლის მეურნეობის სამინისტრომ დაიწყო კამპანია ლურჯი მოცვის ჯიშებით სკანდინავიის ქვეყნებიდან შესყიდვით და სამეგრელოში გაშენების. ისინი ამტკიცებდნენ, რომ მოყვანილი პროდუქციით მიიღებდნენ დიდ შემოსავალს. მე კომისიას მეცნიერულ დონეზე დაუმტკიცე, რომ ეს ღონისძიება არის ფულის ფლანგვა, რომელსაც შედეგი არ მოყვება. ვინაიდან მოხსენება გასცდა რეგლამენტით მოცემულ დროს, კომისიის თავმჯდომარემ მომცა შენიშვნა და შეკითხვა თუ რას ვთავაზობდი. პასუხი მზად მქონდა, შევთავაზე, ჩამოყალიბებულიყო ფირმა, რომელიც დაასაქმებდა მოსახლეობას გარეული ხილკენკროვანების (მოცვი, ასკილი, ქაცვი, შინდი, პანტა, მაჟალო და სხვა) ნაყოფის შეგროვებით შეისყიდის და და დაიწყებს სერიოზულ ბიზნესს საქართველოში. გარდა ამისა, კარგი იქნებოდა, ხელი აგველო ლურჯი მოცვის გაშენებაზე და ფულის ხარჯვაზე. ჩემი ლექცია მოახსენეს კახა ბენდუქიძეს. მას მოეწონა ეს წინადადება, მიმიწვიეს შეხვედრაზე აგრარულ უნივერსიტეტში იმ თანამშრომლებთან ერთად, რომლებსაც ჰქონდათ შეხება ნებისმიერ ნაყოფმომცემ მცენარეებთან და მათი გადაშენების ტექნოლოგიასთან. საორგანიზაციო სამუშაოების შემდეგ, უნდა დავნიშნულიყავი სამუშაოების კოორდინატორად.

მეგონა, რომ ასრულდა ჩემი ნატვრა, მაგრამ ბატონი კახა მაღე გარდაიცვალა, გაუქმდა ახალდაბის სატყეო საცდელი სადგური, ყველა თანამშრომელი გაგვათავისუფლეს სამსახურიდან და იდვა ჩაკვდა.

დღეს კი, როდესაც ამ იდეის რეალიზაციას ვხედავ, უბრალოდ აღფრთოვანებული ვარ.

ყოჩალ, ხაშურელებო! ღმერთმა ხელი მოუმართოს ვლადიმერ გოგოლაძეს და მის კომპანიონებს დიდებულ საქმეში.

მიხეილ ზედელაშვილი,  
მეტყევე, სოფლის მეურნეობის მეცნიერებათა  
აკადემიური დოქტორი



# რიკოთის საულელტეხილო გზის მშენებლობა ინტენსიურ რეჟიმში მიმდინარეობს

საავტომობილო გზების დეპარტამენტის ინფორმაციით, რეგიონში უპრეცედენტო ინფრასტრუქტურული პროექტის, რიკოთის საულელტეხილო გზის მშენებლობა ინტენსიურ რეჟიმში მიმდინარეობს

მათივე ცნობით

- ხევი-უბისას მონაკვეთზე, 20 გვირაბიდან, სამუშაოები მიმდინარეობს 7 გვირაბზე და 35 ხიდიდან 11 ხიდზე;
- ხევი-უბისას მონაკვეთზე, 20 გვირაბიდან, სამუშაოები მიმდინარეობს 7 გვირაბზე და 35 ხიდიდან 11 ხიდზე;
- უბისა-შორაპანის მონაკვეთზე სამუშაოები 6 გვირაბზე და 5 ხიდზე ხორციელდება, ამასთანავე გრძელდება მიწის და სხვა ტიპის სამუშაოები;
- ჩუმათელეთი-ხევის მონაკვეთზე სამობილიზაციო სამუშაოები მიმდინარეობს, ხოლო შორაპანი-არგვეთას მონაკვეთზე სატენდერო წინადადებების შერჩევა-შეფასება ხდება.

- ბიზნესი -

# „ახალი გემო“ სიახლეებით შემოდის

„ხაშურის მოამბე“ აგრძელებს საშუალო და მცირე ბიზნესის საინფორმაციო მხარდაჭერას, რადგან მიგვაჩნია, რომ მუნიციპალიტეტის ეკონომიკის აღმავლობაში და უმუშევართა რაოდენობის შემცირებაში მათ მნიშვნელოვანი როლი უნდა შეასრულონ. დღეს ერთ-ერთ ახლადგახსნილი საწარმოს შესახებ გიამბობთ.

ხაშურის ბაზარს მზა პროდუქტების კიდევ ერთი მცირე საწარმო შეემატა. რუსთაველის ქუჩის დასაწყისში მდებარე „ახალი გემო“ ერთი თვეა უკვე მომხმარებლის დიდ მოწონებას იმსახურებს. მიუხედავად ბაზარზე არსებული დიდი კონკურენციისა, „ახალი გემოს“ დამფუძნებლებმა, გადაწყვიტეს სხვა ნიშა დაიკავონ ბაზარზე, რაც მათ წამოებას ხარისხით და გემოვნური თვისებებით გამოარჩევს. ჩვენ ვესტუმრეთ საწარმოს, დავესწარიტ წარმოების პროცესს, დავაგემოვნეთ პროდუქცია, რომელიც ნამდვილად იმსახურებს ჩვენს დადებით შეფასებას. თუ რატომ გადაწყვიტეს ათვისებულ ბაზარზე შემოსვლა და რას გვთავაზობენ, „ახალი გემოს“ დამფუძნებელს ქალბატონ თამარ შუბითიძეს ვესაუბრეთ:

- ქალბატონო თამარ, მოგვიყევით თქვენი ახალი საქმის



შესახებ. რა არის „ახალი გემო“ და რა გამოცდილებით მოხვედით?

- დაახლოებით ორი წელია გვაქვს მზა პროდუქტების საოჯახო ბიზნესი, რომელმაც ძალიან დიდი მოწონება დაიმსახურა მომხმარებლების მხრიდან, რამაც გვაფიქრებინა მსგავსი ტიპის საწარმოს გაკეთებაზე. მიუხედავად იმისა, რომ ჩვენი ადგილობრივი ბაზარი თითქმის ათვისებულია ამ მხრივ და რისკიც არსებობდა, მაინც გადავწყვიტეთ, რომ ხარისხი ავგეწვია და ფასები თანხვედრაში მოგვეყვანა საბაზრო ღირებულებასთან. გარდა ამისა, არიან იმ ადამიანთა კატეგორიაც, რომელსაც უბრალოდ არ აქვთ თავისუფალი დრო სახლში მოამზადონ, ამიტომ გვენდობა, რომ იმ ხარისხს და გემოს შევთავაზებთ, რომელსაც ელის. ეს უკვე კმაყოფილი და ერთგული მომხმარებელია, რასაც ძალიან დიდი მნიშვნელობა აქვს ჩვენთვის. ეს ის პროდუქტია, რომელსაც თვითონაც მოვისმართ საკუთარი ოჯახებისთვის.

- წარმოებაში რამდენი სახის პროდუქცია გაქვთ ამ ეტაპზე?

- ჯერ გაფართოების ეტაპზე ვართ. გვაქვს ქაბაბი, კოტლეტი, კუპატი, გუფთა, ტოლმა, ბლინების სხვადასხვა ასორტიმენტი, ცოტა ხანში ველოდებით ხინკალს და პელმენს. გვინდა უამრავი პროდუქციის დამატება, ველოდებით მაცივრებს, რომ გაუყინავი ფორმითაც მივაწოდოთ მომხმარებელს პროდუქ-



ცია. ასევე, ვაპირებთ გაყინული ხაჭაპურის, პიცის დამატებას. - ყველა მზა პროდუქტის მწარმოებლებს თავისი მომხმარებლები ჰყავთ, როგორ მოიხიდეთ მომხმარებლები და რამდენად კმაყოფილები არიან?

- ერთი თვეა გავხსენით საწარმო და მომხმარებელი, რომელიც ერთხელ მოვიდა, უკვე ჩვენი კლიენტი ხდება. ჩვენთან შეუძლიათ საკუთარი თვალით ნახონ საწარმოო პროცესი, რაც მათ დიდ ნდობას იწვევს. იმის მიუხედავად, რომ დიდი ხანი არაა, რაც შემოვდიით ბაზარზე, მომხმარებლების რაოდენობას არ ვუჩივით საწყის ეტაპზე.

- როგორ ნედლეულს იყენებთ პროდუქციის წარმოებაში?

- ესაა გაყინული ხორცის უმაღლესი კატეგორია, რომელიც საკმაოდ მაღალი ღირებულებისაა, საუკეთესო გემოვნური თვისებებით ხასიათდება. ვიყენებთ ასევე ადგილობრივი წარმოების ღორის ხორცსაც.

- როგორ ფიქრობთ, რითი გამოიჩვენებთ სხვა, მზაპროდუქტების მწარმოებლებისგან და თუ განსხვავდება ფასები?

- თავიდანვე, ჩემი გათვლა იყო, ეს ყველაფერი, რასაც გავაკეთებდი, ყოფილიყო განსხვავებული, ის, რასაც არ სთავაზობს სხვა. თავდაპირველად, მცირე შეკვეთებს ვიღებდი სახლის პირობებში, რადგან არ მქონდა შესაბამისი აკრედიტაცია. რაც შეეხება ფასებს, გვესმის, შექმნილი სოციალური მდგომარეობა და ვეცადეთ შევინარჩუნოთ ფასები, ბაზარზე არსებული ფასთა ცვლილებების მიუხედავად. ყველანაირად ვეცდებით ხარისხი არ შევცვალოთ. რამდენიმე ადამიანმა გამოთქვა სურვილი, რომ მხოლოდ ქართული ხორციით დავამზადოთ და მზად არიან გადაიხადონ შესაბამისი ღირებულება.

- მარკეტების ქსელში შესვლას თუ აპირებთ?

- ჯერ-ჯერობით არ გავსულვართ, ისე კი გავიარეთ ყველა პროცედურა, რაც საჭიროა ქსელში გასვლაზე. რადგან ამ ეტაპზე, ჩვენი წარმოება მცირეა, ეტაპობრივად გავალთ ბაზარზეც.

- როგორც ვიცი, მომხმარებელს მზა პროდუქციის გარდა, მის გემოვნებაზე მორგებულ სერვისსაც სთავაზობთ...

- ნებისმიერ დროს შეგვიძლია მივიღოთ შეკვეთა, რომელსაც მომხმარებლის გემოვნებას მოვარგებთ, შეუძლიათ წაიღონ გაყინულიც და გაუყინავიც, შესაბამისი შეფუთვით მივართმევთ.

- ამ ეტაპზე რამდენი დამხმარე გყავთ?

- ამ ეტაპზე, გვყავს ოთხი ქალბატონი დასაქმებული, თუმცა, წარმოების გაზრდის შემდეგ, გაზრდით მათ რაოდენობასაც.

თამარ ჯავახიშვილი

## შეხვედრა მენტორ მასწავლებლებთან

მასწავლებლის საერთაშორისო დღესთან დაკავშირებით, ხაშურის მუნიციპალიტეტის მერმა გიორგი გურასპაშვილმა და ადგილობრივი საგანმანათლებლო რესურსცენტრის ხელმძღვანელმა ზვიად გოგუაძემ, სხვადასხვა საჯარო სკოლების მასწავლებლებს, რომლებმაც, კარიერული სქემის წინსვლის ფარგლებში, მენტორის სტატუსი მოიპოვეს, პროფესიული დღესასწაული მიულოცეს და აღნიშნეს, რომ მათი შრომა ფასდაუდებელია, რადგან მოსწავლეების აქტიურ მოქალაქეებად, თანამედროვე საზოგადოების ლიდერებად და მოაზროვნე ადამიანებად აღზრდა, უმეტესწილად, სწორედ პედაგოგების დამსახურებაა.

მენტორ მასწავლებლებს: ნინო მასურაშვილს, ლელა კორკოტაძეს, ინგა გოგალაძეს, ქეთევან ლომიძეს, ნანი მაკარიძეს, ფატმან დამბაშიძეს, ლალი კაკიაშვილს, თამარ ნატრიაშვილს და შორენა ბაკურაძეს, მუნიციპალიტეტის მერიისგან საჩუქრები გადაეცათ.





საქართველოს კულტურული მემკვიდრეობის დაცვის ეროვნულმა სააგენტომ სურამის ციხეზე არქეოლოგიური სამუშაოები დაიწყო. არქეოლოგიური შესწავლის შემდეგ, შედეგებზე დაყრდნობით, მომზადდება პროექტი მისი რეაბილიტაციის შესახებ. სურამის ციხე, მისი ადგილმდებარეობიდან და უძველესი ლეგენდიდან გამომდინარე,

ძალზე საინტერესო კულტურული ობიექტია ტურისტებისთვის. მის გარშემო ინფრასტრუქტურის მოწესრიგება და შემდგომ ციხის რეაბილიტაცია კი მის დამთვალეობასთან რიცხვს მკვეთრად გაზრდის, რაც სურამში ტურიზმის აღმავლობას შეუწყობს ხელს.



**„ხაშური-ისტორიის გზაჯვარედინზე“ - ახალი ფილმი ჩვენს მუნიციპალიტეტში**

ხაშურის კულტურის ცენტრში, გაიმართა ჩვენება ისტორიულ-დოკუმენტური ფილმისა „ხაშური-ისტორიის გზაჯვარედინზე“, რომელიც გადაღებულია შსს-ს არქივის მასალების მიხედვით. ფილმი მომზადდა პროექტის ფარგლებში „ადადგინე ისტორია არქივთან ერთად“, რომლის იდეის ავტორები და განმახორციელებლები არიან ხაშურის მკვლევარი ტეპუტატი სიმონ ნოზაძე და შსს-ს არქივის დირექტორი

ომარ თუშურაშვილი. ფილმი ასახავს XVIII-XIX საუკუნეების ხაშურის ისტორიული და პოლიტიკური ცხოვრების აქამდე უცნობ ფაქტებსა და მოვლენებს, რითაც მაყურებლის დიდ ინტერესს იწვევს. დახურულ ჩვენებას ესწრებოდნენ ადგილობრივი თვითმმართველობისა და საზოგადოების წარმომადგენლები. ფილმის ისტორიული და მხატვრული მნიშვნელობა შეაფასეს ხაშურის მუნიციპალიტეტის საკრებულოს თავმჯდომარემ მიხეილ ჯანაშვილმა, პედაგოგიკის დოქტორმა ზურაბ ცუცქერიძემ და სხვებმა.

მაღე იგეგმება ფილმის პრეზენტაცია ფართო საზოგადოებისათვის, რომლის შემდეგ მოხდება მისი ტირაჟირება. ფილმის რეჟისორი გახლავთ მიხეილ ბასილაძე, ოპერატორი - კახა ბუხრაშვილი, გამხმოვანებელი-მსახიობი ზაზა იაქაშვილი, კონსულტანტი- ისტორიკოსი თამაზ ლაცაბიძე, ხოლო მისი გადაღება შესაძლებელი გახდა რობერტ გელაშვილის მხარდაჭერით. ასევე, გამოსაცემად მზადაა წიგნი „ისტორიის კვლავდაკვალ-ხაშური“. სარედაქციო კოლეგია: მთავარი რედაქტორი ნინო ყოფშიძე, ტექნიკური რედაქტორი - მერი ბარბაქაძე.

პროექტის განხორციელებაში მონაწილეობდნენ შსს-ს არქივისა და ხაშურის სამუხეუმო გაერთიანების თანამშრომლები.

**D გიწვევთ ტრენინგზე**

არასამთავრობო ორგანიზაცია „ხაშურის რაიონის სამოქალაქო მრჩეველთა კავშირი“ ახორციელებს პროექტს „სამოქალაქო განათლება-აქტიური ამომრჩეველი“. პროექტის ფარგლებში, 29 ნოემბერს, დაიწყება ტრენინგი საარჩევნო, გენდერული და სახელმწიფო მოწყობის საკითხებზე. ტრენინგები თითოეული ჯუფისთვის ოთხდღიანია. ტრენინგები გაგრძელდება 22 ნოემბრამდე და გაიცემა სერტიფიკატები.

ტრენინგი ჩატარდება ხაშურის საოლქო-საარჩევნო კომისიის ოფისში(ხაშური, კოსტავას ქ.№7).

მსურველები(18 წლიდან) დაგვიკავშირდით ტელეფონზე 551 410 150 ან ელ.ფოსტაზე: mindiaqurdadze@gmail.com

მინდია ქურდაძე, პროექტის მენეჯერი

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. **ღ**-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.